



Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

- 1. Ingerlatseqatigiiffinnut-, Naatsorsuuserivinnut- aamma Kukkunersuisarnermullu tunngasut suliaasaqarfiisa tigunerannut nunatsinni inuussutissarsiornermi niuernermit suut ajuunngitsortaappat?**
 - a. Taakku ingerlatsiviit tigunissaannut isumassarsiaq inuussutissarsiortut kattuffiit soorlu assersuutigalugu Kalaallit Nunaani Sulisitsisunut (GE) tusarniaatigineqarnikuua?
 - i. Taamaassimassappat tigusinissamut siunnersuummut kattuffiit isumaat tusassallugu kissaatigaara.
 - b. Ingerlatsivinnik tigusinissamut isuma Namminersorlutik Oqartussat ingerlatsiviinut tusarniaatigineqarnikuua?
 - i. Taamaassimassappat ingerlatsivinnik tigusinissamut siunnersuummut ingerlatsiviit isumaat tusassallugu kissaatigaara.
 - c. Ingerlatsivinnik tigusinissamut isuma namminersorlutik ingerlataqartunut annernut tusarniaatigineqarnikuua?
 - i. Taamaassimappat ingerlatsivinnik tigusinissamut siunnersuummut ingerlatsiviit taakku isumaat tusassallugu kissaatigaara.
- 2. Ingerlatseqatigiiffinnut -, Naatsorsuuserivinnut- aamma Kukkunersuisarnermut tunngasut suliaasaqarfiisa tigunera sukut innuttaasunut iluaqutaassava?**
 - a. Ingerlatsivinnik tigusinissamik siunnersuuteqannginnermi Naalackersuisut suut misissorsimavaat?
 - b. Tamakkulu Inatsisartunut aamma/imaluunniit innuttaasunut takusassiarineqarniarpat?
 - c. Siunnersuut kommuninut tusarniaatigineqarsimava?
 - i. Taamaassimappat qisuariaatit tiguneqartut suuppat?
 - d. Namminersorlutillu Oqartussani pisortaqaqfinnut attuumassuteqartunut tusarniaatigineqarsimava?
 - i. Taamaassimappat qisuariaatit tiguneqartut suuppat?
- 3. Ingerlatseqatigiiffinnut-, Naatsorsuuserivinnut- aamma Kukkunersuisarnermut tunngasut tiguneranni innuttaasunut suna iluaqutaava?**
- 4. Naalackersuisut, ingerlatsiviit tiguneranni ukiumut aningaasartuutit qanoq annertutiginissaat naatsorsuutigaat?**
 - a. Naalackersuisut tassunga suna tunngavigaat?
 - b. Naalackersuisut Demokraatit isumaqatigaat, danskit ingerlatsivinnut aningaasartuutaai aallaavigiinnarneqarsinnaanngitsut, ingerlatsivinni annertuumik EU-mi malittarisassat



tunngaviummata, piviusuummallu, Kalaallit Nunaat EU-p avataaniikkami ullumikkut tiguinnarsinnaangikkai?

5. Ingerlatsivinnik tigusinermi allaffeqarfiup qanoq annertusarneqarnissaa naatsorsuutigineqarpa?
 - a. Naliliigallarneq tunngavigalugu økonominik inatsisilerituunillu pisariaqartitsisoqassasoq naatsorsuutigineqarpoq. Naalakkersuisunit naatsorsoqquneqarpoq, økonomit inatsisilerituullu qassit, ullumimut sanilliullugu pisariaqartinneqassanersut.

6. Ingerlatsiviit tighunerisa kingunerissavaa, GER-normulersuinerup utertinneqarnissaa, ullumikkut CVR-normoqarneq qimallugu?
 - a. Taamaassappat Naalakkersuisunit atugaasimasup atoqqilernerani pitsaaqutit ajoqutaasinnaasullu nalunaarutigeqquneqarput naatsorsuutigineqarmat, CVR-normoqarnermut ikaarsaariarneq misissorneqareersimassasoq pitsaaqutitullu nalilerneqareersimalluni.

7. Oqaluuserisamut soqutiginaatilinnik allanik Naalakkersuisut paasissutissiisnaappat?

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Inuussutissarsiornermut Niuernermullu Naalakkersuisup tusagassiuutitigut nalunaarummini nalunaarpoq, Naalakkersuisut aaliangersimasut Ingerlatseqatigiiffiit-, Naatsorsuuseriviit- aamma Kukkunersuineq Naalagaaffimmiit tiguineqassasut.

Piviusummi imaammata, qangatsiarsuarli, ingerlatsivinnit tigusigatta. Tassunga tunngaviit pingaarnerit ilagaat, uagut nammineq akiliissagatta, taassumalu kingunerisussaallugu, aningaaanik pilliuteqarnissarput, ullumikkut atunngissatsinnik. Taakku aningaasat Aningaasanut Inatsimmi nassaarineqartariaqassapput, tamannalu ajornakusoortorujussuussaaq, sulii isumaginninnikkut ajornartorsiutinik annertuunik soorlu assersuutigalugu meeqqat sumiginnarneqarnerannut sorsuutiginnikkatta.

Demokraatit ajorinngilluinnaraluarpaat, naalagaaffimmit ingerlatsivinnik tigusiniarneq. Ukiorpasuarni oqartarsimavugut, Namminersornerulerneq pitsassuanngortissagipput, namminiilivinnissamik piunasaqannginnitsinni.

Uannulli pingaaruteqarpoq, sulii eqqarsaatigilluarsimanissaa aammalu innuttaasunut, inuussutissarsiortunut pisortallu ingerlataanut aningaasatigut allaffissornikkullu kingunissaasa aqqereersimanissaat, sulii tigusitinnani.

Tassa apeqquteqaatinnut tunngavigisakka, taakkulu ullut suliffiusut qulit iluanni akineqarnissaat kissaatigaara.